

Bosna i Hercegovina
Federacija Bosne i Hercegovine
Kanton Sarajevo
Komisija za tumačenje Kolektivnog ugovora za djelatnost visokog obrazovanja i nauke na Univerzitetu u Sarajevu

Broj: 27-02-37885-1/24
Sarajevo, 05.09.2024. godine

Na osnovu člana 48. stav (2) alineja a) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj: 10/24), Komisija za tumačenje Kolektivnog ugovora za djelatnost visokog obrazovanja i nauke na Univerzitetu u Sarajevu u sastavu Dženita Viteškić - predsjednica, Berina Tabak - članica, Prof. dr. Amir Zahirović - član i Dr. Ličina Ramić Aida - članica, povodom Zahtjeva Sindikalne organizacije Univerziteta u Sarajevu – Fakulteta političkih nauka od 26.07.2024. godine, a u vezi sa tumačenjem člana 30. stav (1) i (2) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 10/24), na sjednici održanoj dana **05.09.2024. godine**, d o n o s i

O D L U K U

I

Utvrđuje se tumačenje člana 30. stav (1) i (2) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj: 10/24), kako slijedi:

„(1) Osnovna plaća radnika iz kategorije nenastavnog osoblja uvećava se za:

(a) prekovremeni rad 50%,

(b) noćni rad 35%,

(c) rad na dan sedmičnog odmora 30%,

(d) privremeno uvećan obim posla uslijed zamjene uposlenika na bolovanju ili službenom odsustvu 25%,

(e) rad u dane praznika koji su po zakonu državni praznici 50%,

(f) za rad sa opasnim materijama 15%.

(2) Ukoliko nekom radnom mjestu po odredbama iz stava (1) ovog člana pripada naknada po dva osnova, isplaćuje se samo jedna naknada koja je za to radno mjesto povoljnija“.

II

Ova odluka će se dostaviti Sindikatu Univerziteta u Sarajevu putem Ministarstva za nauku, visoko obrazovanje i mlade Kantona Sarajevo i Sindikalne organizacije Univerziteta u Sarajevu – Fakulteta političkih nauka.

III

U skladu sa odredbama člana 48. stav (6) Kolektivnog ugovora za djelatnost visokog obrazovanja i nauke na Univerzitetu u Sarajevu („Službene novine Kantona Sarajevo“, broj 10/24), ova odluka ima pravnu snagu i učinak Kolektivnog ugovora, te će se u skladu sa članom 48. stav (10) objaviti u Službenim novinama Kantona Sarajevo i službenoj internet stranici Ministarstva, a obaveza sindikata je da tumačenje ovog Kolektivnog ugovora objavljuje na službenoj internet stranici Sindikata.

Članovi komisije:

Dženita Viteškić, predsjednica

Berina Tabak, član

Prof.dr. Amir Zahirović, član

Dr. Ličina Ramić Aida, član

